

四庫

全書

四庫
全書

全書

第八六二册

四庫全書

●上海古籍出版社

本冊目次

論	衡	風俗通義	封氏聞見記	尚書故實	灌畦暇語	春明退朝錄	宋景文筆記	東原錄	王氏談錄	慶史	文昌雜錄	補	夢溪筆談	補筆談
---	---	------	-------	------	------	-------	-------	-----	------	----	------	---	------	-----

漢王充撰……………一	漢應劭撰……………三四九	唐封演撰……………四一五	唐李綽撰……………四六七	唐不著撰人……………四八一	宋宋敏求撰……………四九九	宋宋祁撰……………五三三	宋龔鼎臣撰……………五五五	宋王欽臣撰……………五七七	宋王得臣撰……………五九五	宋龐元英撰……………六四九	宋沈括撰……………七〇七
------------	--------------	--------------	--------------	---------------	---------------	--------------	---------------	---------------	---------------	---------------	--------------

欽定四庫全書

子部
論衡卷二

詳校官中書臣徐志晉

員外郎臣牛檢文覆勘

總校官庶吉士臣倉聖脈

校對官中書臣王家賓

謄錄監生臣朱學瀛

御製讀王充論衡

向偶翻閱諸書見有王充論衡喜其識博而言辯頗具
出俗之識其全書則未之覽也茲因校四庫全書始得
其全卷而讀之乃知其為背經離道好奇立異之人而
欲以言傳者也夫欲以言傳者不衷於聖賢未有能傳
者也孔孟為千古聖賢或可問而不可刺充則刺孟
而且問孔矣此與明末李贄之邪說何異夫時命坎珂
當悔其所以自致坎珂耳不宜怨天尤人誣及聖賢為
激語以自表則己已犯非聖無法之誅即有遭其言者
亦不過同其亂世惑民之流耳君子必不為也且其死
偽篇以杜伯之鬼為無而言毒篇又以杜伯之鬼為有
似此矛盾處不可屈指數予故聞而訶之讀論衡者效
其博辯取其軼材則可效其非聖滅道以為正人篤論
則不可

乾隆戊戌孟秋

欽定四庫全書

子部十

論衡

雜家類三 雜說之屬

提要

臣等謹案論衡三十卷漢王充撰充字仲任上虞人自紀謂在縣為掾功曹在都尉府位亦掾功曹在太守為列掾五官功曹行事又稱永和三年徙家辟詣揚州部丹陽九江廬江復人為治中章和二年罷州家居其書凡

欽定四庫全書

論衡

八十五篇而第四十四招致篇有錄無書實八十四篇考其自紀曰書雖文重所論百種案古太公望近董仲舒傳作書篇百有餘篇書亦纔出百而云太多然則原書實百餘篇此本目錄八十五篇已非其舊矣充書大旨詳於自紀一篇蓋內傷時命之坎珂外疾世俗之虛偽故發憤著書其言多激刺孟問孔二篇至于奮其筆端以與聖賢相軋可謂詩

矣又露才揚己好為物先至於述其祖父頑

根以自表所長俱亦甚焉其他論辨如日月

不圓諸說雖為葛洪所駁載在晉志然大抵

訂訛砭俗中理者多亦殊有裨於風教儲泳

祛疑說謝應芳辨惑編不是過也至其文反

覆詰難頗傷詞費則充所謂宅舍多土地不

得小戶口衆簿籍不得少失實之事多虛華

之語衆指實定宜辨爭之言安得約徑者回

已自言之矣充所作別有譏俗書政務書晚

年又作養性書今皆不傳惟此書存儒者頗

病其蕪雜然終不能廢也高似孫子略曰袁

崧後漢書載充作論衡中土未有傳者蔡邕

入吳始見之以為談助談助之言可以了此

書矣其論可云充愜此所以攻之者衆而好

之者終不絕歟乾隆四十三年十一月恭校

上

欽定四庫全書

論衡

二

總纂官臣紀昀臣陸錫熊臣孫士毅

總校官臣陸費墀

欽定四庫全書

欽定四庫全書

三

欽定四庫全書

子部十

論衡目錄

雜家類三 雜說之屬

卷一

逢遇第一

累害第二

命祿第三

氣壽第四

卷二

欽定四庫全書

欽定四庫全書

幸偶第五

命義第六

無形第七

率性第八

吉驗第九

卷三

偶會第十

骨相第十一

初稟第十二

本性第十三

物勢第十四

怪奇第十五

卷四

書虛第十六

變虛第十七

卷五

欽定四庫全書

異虛第十八

感虛第十九

卷六

福虛第二十

禍虛第二十一

龍虛第二十二

雷虛第二十三

卷七

道虛第二十四

語增第二十五

卷八

儒增第二十六

藝增第二十七

卷九

問孔第二十八

卷十

欽定四庫全書

非韓第二十九

刺孟第三十

卷十一

談天第三十一

說日第三十二

答佞第三十三

卷十二

程材第三十四

量知第三十五

謝短第三十六

卷十三

效力第三十七

別通第三十八

起奇第三十九

卷十四

狀留第四十

欽定四庫全書

論衡
目錄

寒溫第四十一

謹告第四十二

卷十五

變動第四十三

招致第四十四

閏

明雩第四十五

順鼓第四十六

卷十六

亂龍第四十七

遭虎第四十八

商蟲第四十九

講瑞第五十

卷十七

指瑞第五十一

是應第五十二

治期第五十三

欽定四庫全書

論衡
目錄

卷十八

自然第五十四

感類第五十五

齊世第五十六

卷十九

宣漢第五十七

恢國第五十八

驗符第五十九

卷二十

須頌第六十

佚文第六十一

論死第六十二

卷二十一

死偽第六十三

卷二十二

紀妖第六十四

欽定四庫全書

訂鬼第六十五

卷二十三

言毒第六十六

薄葬第六十七

四諱第六十八

調時第六十九

卷二十四

識日第七十

卜筮第七十一

辨崇第七十二

難歲第七十三

卷二十五

詰術第七十四

解除第七十五

祀義第七十六

祭意第七十七

欽定四庫全書

卷二十六

實知第七十八

知實第七十九

卷二十七

定賢第八十

卷二十八

正說第八十一

書解第八十二

卷二十九

案書第八十三

對作第八十四

卷三十

自紀第八十五

欽定四庫全書

論衡

欽定四庫全書

論衡卷一

漢王充撰

逢遇篇

累害篇

命祿篇

氣壽篇

逢遇篇

操行有常賢任宦無常遇賢不賢才也遇不過時也才

高行潔不可保以必尊貴能薄操濁不可保以必卑賤

欽定四庫全書

論衡

或高才潔行不遇退在下流薄能濁操遇在眾上世各

自有以取士士亦各自得以進進在遇退在不遇處尊

居顯未必賢遇也位卑在下未必愚不遇也故遇或抱

污行尊於榮之朝不遇或持潔節卑於堯之廷所以遇

不遇非一也或時賢而輪焉或以大才從於小才或俱

大才道有清濁或無道德而以技合或無技能而以色

幸伍員帛喜

宜讀作伯紹字

俱事夫差帛喜尊重伍員誅死此

異操而同主也或操同而主異亦有遇不遇伊尹箕子

是也伊尹箕子才俱也伊尹為相箕子為奴伊尹遇成湯箕子遇商紂也夫以賢事賢君君欲為治臣以賢才輔之趨舍偶合其遇固宜以賢事惡君君不欲為治臣以忠行佐之操志乖忤不遇固宜或以賢聖之臣遭欲為治之君而終有不遇孔子孟軻是也孔子絕糧陳蔡孟軻困於齊梁非時君主不用善也才下知淺不能用大才也夫能御驥騁者必王良也能臣禹稷皋陶者必堯舜也御百里之手而以調千里之足必有摧衡折軔

欽定四庫全書

論衡

之患故至言棄捐聖賢距逆非憎聖賢不甘至言也聖之變故至言難行也夫以大才干小才小才不能受不賢務高至言難行也夫以大才干小才小才不能受不過固宜以大才之臣遇大才之主乃有遇不過虞舜許由太公伯夷是也虞舜許由俱聖人也並生唐世俱面於堯虞舜紹帝統許由入山林太公伯夷俱賢也並出周周皆見武王太公受封伯夷餓死夫賢聖道同志合趨齊虞舜太公行耦許由伯夷操違者生非其世出非

其時也道雖同中有異志雖合中有離何則道有精麤志有清濁也許由皇者之輔也生於帝者之時伯夷帝者之佐也出於王者之世並由道德俱發仁義主行道德不清不留主為仁義不高不止此其所以不遇也堯涸舜濁武王誅殘太公討暴同濁皆麤舉措鈞齊此其所以為遇者也故舜王天下皋陶佐政北人無擇深隱不見禹王天下伯益輔治伯成子高委位而耕非皋陶才愈無擇伯益能出子高也然而皋陶伯益進用無擇子高退隱進用行耦退隱操違也退隱勢異身雖屈不願進人主不須其言廢之意亦不恨是兩不相慕也商鞅三說秦孝公前二說不聽後一說用者前二帝王之論後一霸者之議也夫持帝王之論說霸者之主雖精見距更調霸說雖麤見受何則精遇孝公所不得麤遇孝公所欲行也故說者不在善在所說者善之才不待賢在所事者賢之馬圈之說無方而野人說之子貢之說有義野人不聽吹竊工為善聲因越王不喜更

欽定四庫全書

論衡

為野聲越王大說故為善於不欲得善之主雖善不見愛為不善於欲得不善之主雖不善不見憎此以曲伎合合則遇不合則不遇或無伎妄以姦巧合上志亦有以遇者竊晉之臣雖鳴之客是竊晉之臣親於子反雖鳴之客幸於孟嘗子反奸偷臣孟嘗愛偽客也以有補於人君人君賴之其遇固宜或無補益為上所好籍孺鄧通是也籍孺幸於孝惠鄧通愛於孝文無細簡之才微薄之能偶以形佳骨嫺皮媚色稱夫好客人所好也

欽定四庫全書

卷一

其遇固宜或以醜面惡色稱媚於上嫫母無鹽是也嫫母進於黃帝無鹽納於齊王故賢不肖可豫知遇難先圖何則人主好惡無常人臣所進無豫偶合為是適可為上進者未必賢退者未必愚合幸得進不幸失之世俗之議曰賢人可遇不遇亦自其咎也生不希世准主觀鑒治內調能定說審詞際會能進有補賸主何不遇之有今則不然作無益之能納無補之說以夏進鍾以冬秦扇為所不欲得之事獻所不欲聞之語其不遇禍

幸矣何福祐之有乎進能有益納說有補人之所知也或以不補而得祐或以有益而獲罪且夏時鍾以炎濕冬時扇以翼火世可希主不可准也說可轉能不可見也世主好文已為文則遇主好武已則不遇主好辯有口則遇主不好辯已則不遇文主不好武武主不好文辯主不好行行主不好辯文與言尚可暴習行與能不可卒成學不宿習無以明名名不素著無以遇主倉猝之業須臾之名日力不足不預聞何以准主而納其說

欽定四庫全書

卷一

進身而託其能哉昔周人有仕數不遇年老白首泣涕於塗者人或問之何為泣乎對曰吾仕數不遇自傷年老失時是以泣也人曰仕奈何不一遇也對曰吾年少之時學為文文德成就始欲仕宦人君好用老用老主亡後主又用武武更為武武節始就武主又亡少主始立好用少年吾年又老是以未嘗一遇仕宦有時不可求也夫希世准主尚不可為況節高志妙不為利動性定質成不為主顧者乎且夫遇也能不預設說不宿具

邂逅逢喜遭觸上意故謂之遇如准推主調說以取尊貴是名為揣不名曰遇春種穀生秋刈穀收求物得物作事事成不名為遇不求自至不作自成是名為遇猶拾遺於塗撫棄於野若天授地生鬼助神輔禽息之精陰慶鮑叔之魂默舉若是者乃遇耳今俗人既不能定遇不遇之論又就遇而譽之因不遇而毀之是據見故案成事不能量操審才能也

累害篇

欽定四庫全書

論衡

六

凡人仕宦有稽留不進行節有毀傷不全罪遇有累積不除聲名有闇昧不明才非下行非悖也又知非昏策非昧也逢遭外禍累害之也非唯人行凡物皆然生動之類咸被累害累害自外不由其內夫不本累害所從生起而徒歸責於被累害者智不明闇塞於理者也物以春生人保之以秋成人必不能保之卒然牛馬踐根刀鎌割蓬生者不育至秋不成不成之類遇害不遂不得生也夫鼠涉飯中捐而不食捐飯之味與彼不污者

釣以鼠為害棄而不御君子之累害與彼不育之物不御之飯同一實也俱由外來故為累害脩身正行不能來福戰栗戒慎不能避禍禍福之至幸不幸也故曰得非己力故謂之福來不由我故謂之禍不由我者謂之何由由鄉里與朝廷也夫鄉里有三累朝廷有三害累生於鄉里害發於朝廷古今才洪行淑之人遇此多矣何謂三累三害凡人操行不能慎擇友友同心恩篤異心疎薄疎薄怨恨毀傷其行一累也人才高下不能鈞

欽定四庫全書

論衡

七

同同時並進高者得榮下者慙恚毀傷其行二累也人之交遊不能常歡歡則相親恚則疎遠疎遠怨恨毀傷其行三累也位少人眾仕者爭進進者爭位見將相毀增加傳致將昧不明然納其言一害也將吏異好清濁殊操清吏增郁郁之白舉涓涓之言濁吏懷恚恨徐求其過因纖微之謗被以罪罰二害也將或幸佐吏之身納信其言佐吏非清節必拔人越次迁失其意毀之過度清正之仕抗行伸志遂為所憎毀傷於將三害也夫

未進也身被三累已用也身蒙三害雖孔丘墨翟不能
自免顏回曾參不能全身也動百行作萬事嫉妬之人
隨而雲起枳棘鈎掛容體蠹蠹之黨啄螫懷操豈徒六
哉六者章章世曾不見夫不原士之操行有三累仕宦
有三害身完全者謂之潔被毀謗者謂之辱官升進者
謂之善位廢退者謂之惡完全升進幸也而稱之毀謗
廢退不遇也而訾之用心若此必為三累三害也論者
既不知累害者行賢潔也以塗傳泥以黑點繒軌有知
之清受塵白取垢青蠅所汙常在練素處顛者危勢豐
者虧頽墜之類常在懸垂屈平潔白邑大夫羣吠吠所怪
也非俊疑傑固庸態也偉士坐以俊傑之才為生招致
羣犬之聲夫如是豈宜更勉奴下循不肖哉不肖奴下
非所勉也豈宜更偶俗全身以弭謗哉偶俗全身則鄉
原也鄉原之人行全無闕非之無舉刺之無刺也此又
孔子之所罪孟軻之所愆也古賢美極無以衛身故循
性行以俟累害者果賢潔之人也極累害之謗而賢潔

之實見焉立賢潔之跡毀謗之塵安得不生絰者思折
伯牙之指御者願推王良之手何則欲專良善之名惡
彼之勝己也是故魏女色艷鄭袖剿之朝吳忠貞無忌
逐之威施彌妬遂除多佞是故濕堂不灑塵卑屋不蔽
風風衝之物不得育水湍之岸不得峭如是美里陳蔡
可得知而沈江蹈河也以軼才取容媚於俗求全功名
於將不遭鄧析之禍取子胥之誅幸矣孟賁之尸人不
刃者氣絕也死灰百斛人不沃者光滅也動身章智顯
光氣於世奮志教黨立卓異於俗固常通人所讒嫉也
以方心偶俗之累求益反損蓋孔子所以憂心孟軻所
以惆悵也德鴻者招謗為士者多口以休職之聲彌口
舌之患求無危傾之害遠矣臧倉之毀未嘗絕也公伯
寮之愬未嘗滅也珏成丘山汙為江河毫髮之善小人
不得有也以玷污言之清受塵而白取垢以毀謗言之
貞良見妬高奇見噪以過罪言之忠言招患高行招恥
以不純言之玉有瑕而珠有毀焦陳留君兄名稱兗州

行完跡潔無纖芥之毀及其當為從事刺史焦康絀而不用夫未進也被三累已用也蒙三害雖孔丘墨翟不能自免顏回曾參不能全身也何則衆好純譽之人非真賢也公侯已下玉石雜糅賢士之行善惡相苞夫采玉者破石拔玉選士者棄惡取善夫如是累害之人員世以行指擊之者從何往哉

命祿篇

欽定四庫全書

論衡

凡人遇偶及遭累害皆由命也有死生壽夭之命亦有貴賤貧富之命自王公逮庶人聖賢及下愚凡有首目之類含血之屬莫不有命命當貧賤雖富貴之猶涉禍患矣命當富貴雖貧賤之猶逢福善矣故命貴從賤地自達命賤從富位自危故夫富貴若有神助貧賤若有鬼禍命貴之人俱學獨達並仕獨還命富之人俱求獨得並為獨成貧賤反此難達難還難成獲過受罪疾病亡遺失其富貴貧賤矣是故才高行厚未必保其必富貴智寡德薄未可信其必貧賤或時才高行厚命惡廢

而不進知寡德薄命善興而超踰故夫臨事知愚操行

清濁性與才也仕宦貴賤治產貧富命與時也命則不可勉時則不可力知者歸之於天故坦蕩恬忽雖其貧賤使富貴若鑿溝伐薪加勉力之趨致彊健之勢鑿不休則溝深斧不止則薪多無命之人皆得所願安得貧賤凶危之患哉然則或時溝未通而遇湛薪未多而遇虎仕宦不貴治產不富鑿溝遇湛伐薪逢虎之類也有才不得施有智不得行或施而功不立或行而事不成

欽定四庫全書

論衡

上

雖才智如孔子猶無成立之功世俗見人節行高則曰賢哲如此何不貴見人謀慮深則曰辯慧如此何不富貴富有命福祿不在賢哲與辯慧故曰富不可以籌策得貴不可以才能成智慮深而無財才能高而無官懷銀紉紫未必稷契之才積金累玉未必陶朱之智或時下愚而千金頑魯而典城故官御同才其貴殊命治生鈞知其富異祿祿命有貧富知不能豐殺性命有貴賤才不能進退成王之才不如周公桓公之知不若管仲

然成桓受尊命而周管稟卑秩也案古人君希有不學於人臣知博希有不為父師然而人君猶以無能處主位人臣猶以鴻才為廩役故貴賤在命不在智愚貧富在祿不在頑慧世之論事者以才高當為將相能下者宜為農商見智能之士官位不至怪而訾之曰是必毀於行操行操之士亦怪毀之曰是必乏於才知殊不知才知行操雖高官位富祿有命才智之人以吉盛時舉事而福至人謂才智明審凶衰禍來謂愚闇不知吉凶之命盛衰之祿也白圭子貢轉貨致富積累金玉人謂術善學明主父偃辱賤於齊排擯不用赴闕舉疏遂用於漢官至齊相趙人徐樂亦上書與偃章會上善其言徵拜為郎人謂偃之才樂之慧非也儒者明說一經習之京師明如匡穉圭深如趙子都初階甲乙之科遷轉至郎博士人謂經明才高所得非也而說若范雎之于秦昭封為應侯蔡澤之說范雎拜為客卿人謂雖澤美善所致非也皆命祿貴富善至之時也孔子曰死生有

命富貴在天魯平公欲見孟子嬖人臧倉毀孟子而止孟子曰天也孔子聖人孟子賢者誨人安道不失是非稱言命者有命審也淮南書曰仁鄙在時不在行利害在命不在智賈生曰天不可與期道不可與謀遲速有命焉識其時高祖擊黥布為流矢所中疾甚呂后迎良醫醫曰可治高祖罵之曰吾以布衣提三尺劍取天下此非天命乎命乃在天雖扁鵲何益韓信與帝論兵謂高祖曰陛下所謂天授非智力所得揚子雲曰遇不遇命也太史公曰富貴不違貧賤貧賤不違富貴是謂從富貴為貧賤從貧賤為富貴也夫富貴不欲為貧賤貧賤自至貧賤不求為富貴富貴自得也春夏因死秋冬王相非能為之也日朝出而暮入非求之也天道自然代王自代人為文帝周亞夫以庶子為條侯此時代王非太子亞夫非適嗣逢時遇會卓然卒至命貧以力勤致富富至而死命賤以才能取貴貴至而免才力而致富貴命祿不能奉持猶器之盈量手之持重也器受一